

Galicia Encantada



ANIVERSARIO

2005 * 2025

Enciclopedia de Fantasia Popular de Galicia

Poéticas do imaxinario

CATEGORÍAS RELACIONADAS

A moura dos ollos verdes (Antonio García Teijeiro)

A MOURA DOS OLLOS VERDES

Antonio García Teijeiro

Lava os seus ollos, meu neno,

a moura na beira da fonte.

Pousa o seu rostro na pedra

coa ollada no horizonte.

Namora a todos os mozos

coas perlas de cristal;

mais ben sabemos, meu neno,

que ela seduce co mal.

É moi belida, meu neno,

a moura de ollos tan verdes,

pero dígoche, meu neno,

que neles moitos se perden.

Xa marcha a moura, meniño,
a moura dos ollos verdes.

Durme sen medo, que a lúa
cobre en silencio o teu berce.

Moura que estás no penedo
ou nas ruínas na fraga,
garda os tesouros na terra
que eu de ti non quero nada.

-Poema elaborado polo autor para un caderno didáctico (polo de agora inédito) dirixido a alumnado de E. Primario sobre a *Festa das Fachas*, de Castelo, en Taboada (Lugo).
-Ilustración de Lázaro Enriquez para o *Dicionario dos seres miticos galegos*, Xerais, Vigo, 1999.

